

商業歷史

商業歷史卷下

世界史

緒言

我國自前清中葉開港通商以來已由亞洲東部之中國進而爲世界中心之中國故所居商業之地位亦由亞洲東部之商業進而爲世界中心之商業業於本國商業史中歷述其進行之狀況顧兵法有言知彼知己百戰百勝白圭亦云吾治生產猶伊尹呂尙之謀孫吳用兵圭當東周列國時代商業競爭決不如現今時代之劇烈而於商戰同諸兵戰之原理乃慮之獨審而言之特精蓋已炯然有世界商業之知識令當近世其對於此項知識之擴充必且千百萬倍而不可以數計夫近世何世實全球商業大戰爭之世也以全球商業大戰爭之故遂使吾地大物博商務繁盛之中國不得不兜入此大戰爭之旋渦而隨在胥蒙其影響商戰而勝寧獨商羣之幸福吾四萬萬同胞公共之幸福隨之商業而負寧獨商羣之痛苦吾四萬萬同

胞公共之痛苦。隨之故研究中國商業之歷史。既不得不以世界之眼光爲周詳之審察。研究世界商業之歷史。尤不得不以中國之自體爲切近之觀摩。茲卽世界商業盛衰倚伏之大勢。區爲三大期如下。一曰上古期。自太古至西羅馬之滅亡。爲世界商業開始發端時代。二曰中古期。自西羅馬之滅亡。至印度航路之發現。爲世界商業漸次發皇時代。三曰近世期。自印度航路發現而後。以迄於今。爲世界商業完全發育時代。

第一編 上古期

第一章 上古之大勢

國於世界。以所處地位之不同。因而有氣候及物產之差異。往往甲國之所有。爲乙國之所無。乙國之所餘。爲甲國之所歉。一若造化故留此缺陷。以促世界人類之交通。開世界大同之先路者。是爲世界的商業所自起。

我國位於亞洲之東部。工商之發達。已距今數千有餘年。不可謂非商業國之一矣。我國而外。與我同洲者。有亞西之巴比倫 Babylon 波斯 Persia 亞南之印度。

India 與我不同洲者有非北之埃及 Egypt 皆開化甚早。商務繁興。然而上列諸國之商業均各爲單獨之進行。於世界商業之大勢。曾無若何之影響。其原因之可得而言者如左。

(一) 蒙階級制度之通弊。國家既以法律賤商人。社會亦相與輕之。不知藉商人勢力扶植國家勢力於域外。如我國及印度波斯埃及等國是。

(二) 承宗教社會之錮習。對於外教爲種種之仇視。引起通商上種種之阻力。如波斯及埃及等國是。

(三) 領土廣闊。中含無數之小邦。此無數小邦以內之交通。已不能無彼此之隔閡。自無餘力以及於域外之通商。如我國及印度等國是。

(四) 中國有黃河長江。印度有恆河 Ganges R. 印度河 Indus R. 巴比倫有底格里斯 Tigris R. 阿付臘底斯 Euphrates R. 一河埃及有尼羅河 Nile R. 川流交匯。百產豐盈。國內有無足以相給。無從事外國貿易之必要。

有右列之四大原因。故上列諸國之商業祇可區別之爲各個國的商業。不得混稱。

之爲世界的商業

然則上古時代之各國孰開世界的商業之先河可爲當時之代表必曰地中海沿岸諸國地中海 Mediterranean Sea 位於歐亞非三大陸之交形勢利便東岸則有若腓尼基 Phenicia 南岸則有若迦太基 Carthage 北岸則有若希臘 Hellas or Greece 有若羅馬 Rome 舉凡有世界的商業代表之資格卽腓尼基可代表亞洲迦太基可代表非洲希臘羅馬可代表歐洲是就發達之順序言之則亞洲之代表於世界商界史中爲最先非洲之代表次之歐洲之代表爲最後然後起之歐洲代表實駕亞非兩洲之代表而上之其故無他則以希臘羅馬之海岸線較之腓尼基迦太基爲長於商業上尤擅優越之地位也試於次章以下歷陳之

第二章 腓尼基之商業

我國於世界商業史上不獲爲亞洲之代表於是此亞洲代表之資格乃爲腓尼基所攬得腓尼基本由多數之市府合成爲一聯邦市府中之最有名者推西頓 Si-

Don 及推羅 Tyre 諸市府以宗教上之觀念同商業上之利害同因得一致進行共營海外之貿易北自波羅的海 Baltic Sea 西至大西洋 Atlantic Ocean 沿岸地方舉爲腓尼基人蹤跡之所遍其成績之偉大可知

腓尼基之地勢殆迫腓尼基人不得不以商業建國幅員狹小土壤瘠燥不適農業黎巴嫩山 Lebanon Mts. 聳立於東山中多產船材西面地中海岸旁島嶼相連舟楫之往來自若因是國民各具冒險之天能極與航海通商諸事業相利便其全盛時代約當西元前第十一世紀至第六世紀之間方全盛時西自希臘羅馬以達全歐東經亞西利亞 Assyria 以通中亞南接猶太 Judah 阿剌伯 Arabia 由此而入於東部波斯及西部埃及當時世界貨物齊集腓尼基市場腓尼基人因取輸入之生貨製爲熟貨以轉輸於域外由是工業亦大顯於時與商業並趨而同進焉腓尼基通商諸國中。最有益於腓尼基者爲西班牙 Spain or Hispānia 西班牙以西元前千五十年頃爲腓尼基商人所發現其地在當時最饒金礦腓尼基人遂從事於開採與近世之西班牙人開祕魯 Peru 礦山者後先同轍腓尼基人因礦山

之富。吸收多數之銀。輸送之於東方。與黃金寶石象牙香料之屬相交易。其最大之礦務所。建於加的斯。Cades or Cadiz 濱臨大西洋。至今猶爲西班牙繁盛之都市焉。腓尼基人復自西班牙前航。出直布羅陀海峽。St. of Gibraltar 而抵英倫。British Isles 又深入波羅的海而營貿易。旣以海上貿易雄一時。更於陸地貿易求發展。亞歐非三大陸間之貿易權。幾爲腓尼基所壟斷。

不特此也。腓尼基人以海上貿易之歷練。知殖民事業之不可稍緩。環地中海一帶。建迦太基等二百有餘之市府。其魄力之雄厚。殊可驚人。各殖民地之產物。時運輸於本國。與工產物相流轉。以故殖民地日發達。本國亦日卽繁昌。且以同宗教同言語同風俗之故。得長保親密之關係。腓尼基與迦太基等各殖民地之互相獲益。概可見已。

腓尼基嘗營販奴之業。頗爲希臘人所詬病。然腓尼基在世界商業史上實著有不可埋沒之功績。則以其熱心毅力足示世人以商業立國之模範也。

當西元前七世紀腓尼基商業正盛時爲巴比倫所攻略。由是腓尼基之國勢漸衰。推羅之豪商巨賈多數移住於迦太基。迨西元前六世紀腓尼基又遭波斯之襲擊。國愈不振。世界商業史上腓尼基所佔亞洲代表之地位遂爲非洲代表之迦太基所擅有。

迦太基非他腓尼基所關之殖民地也。迦太基人原卽腓尼基人之苗裔。迦腓兩國之關係殆與後世英美兩國之關係等。除前述推羅僑商外相傳西元前九世紀推羅一王族已率族人避地來此。建設第二之新都。迦太基者卽新都之義也。地在今非北突尼斯 Tunis 附近。位於自腓尼基至直布羅陀海之間。以周圍四十餘哩直徑三哩之地峽連屬於大陸上之半島。北臨地中海。富有良好之港灣。其土地以得河流之灌溉肥沃無比。多產穀物葡萄酒油爲天然之農業國及商業國。又席腓尼基固有之豐富日增月盛。遂代腓尼基而霸有海權。當迦太基全盛時代所轄市府星羅碁布於非洲之海岸者無慮三百有奇。多由通商政策及殖民政策而得其得。自侵略政策者僅僅占百分之一。亦可見其商戰力之雄且偉矣。

迦太基之商業。史有與腓尼基異點者。腓尼基全盛時。無其他商戰國與之抗。迦太基盛時。則希臘已崛起爲勁敵。卽羅馬亦將次勃興。故地中海上之商權。實由迦太基與希臘爲東西之對抗。而各授其半。希臘所佔爲東半。迦太基爲西半。惟西半之佔勢較優。嚴杜他國船舶之侵入。苟侵入者。必鑿毀之。沈其貨物。及人以爲罰。西元前六世紀。曾與羅馬結約。羅馬人不得於迦太基之正北。越海線而西航。迦太基之權力有如此者。故當時地中海西半之商權。無論其爲歐洲或非洲。莫不束手而聽其壟斷。

迦太基以航業雄海上。旣豔西班牙之富。據而有之。所至廣關市府。東南海濱之新迦太基。卽其一也。西元前六百紀。波斯王岡比西 Cambyses 嘗席捲埃及。鼓行而

西。欲利用腓尼基之船舶。以侵迦太基。腓尼基人莫之應。以迦太基人與同族也。岡

比西無如何。迦太基遂稱霸於西海。循腓尼基人之往迹。出直布羅陀海峽而至英

倫。深入波羅的海。與歐洲北部相貿易。又循非洲西岸。迤邐而南。達於北緯五度之

繁盛地域。更組商隊。由非洲之北部。迤邐而東。經埃及以達於紅海 Red Sea 復越

紅海。通貿易於亞洲諸國。並由商隊運本國之品物與非洲腹地之品物相交換。迦太基魄力之厚。殆不亞於其祖國腓尼基焉。茲即當時輸出入之要品列表如左。

(一) 輸出品

(甲) 天產物 穀物果實蜜蠟油及獸皮。就中以穀物爲大宗。蓋迦太基原屬天然之農產國也。

(乙) 製造品 耕作用具。船舶用具。染料陶器。金屬細工及玩具。就中以金屬細工爲大宗。蓋迦太基在西班牙之礦山。役使數萬工人。以採掘金銀銅鐵。又航行英國。得多量之錫。金屬原料之供給甚饒故也。此外以染料爲最精。所謂布匿染料者。獨迦太基人能爲之。羅馬人至以布匿 *Punic* 之名。名迦太基焉。

(二) 輸入品

(甲) 自非洲輸入者 埃及之紙麻。非洲腹地之黃金象牙。鴕鳥羽毛。黑檀椰子及奴隸。

(乙)自歐洲輸入者 西歐北歐諸國之工作品及供爲原料之金鐵鉛錫

(丙)自亞洲輸入者 阿剌伯之香料黃金眞珠寶石。敘利亞 Syria 腓尼基

之染工原料各種家具及毛氈。

迦太基又力圖居間業之發展。吸收甲國與乙國貿易之利權。例如運埃及之穀。以易西班牙之金。復運英倫之錫。以易埃及之麻。是此例。蓋自腓尼基開之。至迦太基而進步。至其殖民政策亦較之腓尼基爲完密。腓尼基之於殖民地也。類取放任主義。迦太基之於殖民地也。則取干涉主義。苟發現一可以買利之地。卽由政府派遣若干人以往。使之開闢爲小殖民地。苟察其地可得良好之結果。則務排外國人以供己國人之獨佔。而其官商間又務相聯絡。務相翼贊。以故向之所稱小殖民地者。不久遂成爲市府焉。

迦太基商戰上之勁敵。在前爲希臘。在後爲羅馬。內以羅馬之衝突爲尤甚。蓋迦太基之於航海通商各事業。例取獨佔主義。對於外國商人疑忌之度。達於極點。方迦太基商船之航行於歐洲北部也。嘗有一羅馬船尾行於其後。迦太基人懼爲所偵。

乃故觸其舟於淺灘。佯作計窮狀。棄所載貨物而迴航。羅馬人卒不得其航行之祕。其後迦太基人回國。告其情於政廳。政廳激賞之。爲之償厥損害。卽此一端可見。迦羅兩國商戰之劇烈矣。西元前四百八十年。迦太基以殖民地之糾葛。與希臘起衝突。時羅馬人方征服意大利。Italy 正欲擴張其勢力於遠方。因與迦太基尋釁。迦太基海軍初甚強。羅馬人不能抗。然而迦太基本無兵。其兵皆自外國募集者。前後凡三大戰。遂坐致滅亡。第一次自西元前二百六十四年至二百四十一年。迦太基屢戰屢北。割西西里 Sicily 等地以和。是爲第一布匿戰爭 The First Punic War。後二十三年。戰釁復起。迦太基名將漢尼拔 Hannibal 帥兵越阿爾卑斯山 The Alps 突入意大利。大破羅馬軍。羅馬幾殆。而相持至久。迦太基卒爲羅馬名將西庇阿 Publius Cornelius Scipio 所敗。是爲第二布匿戰爭 The Second Punic War。及西元前百四十九年。羅馬遂一舉而亡迦太基。是爲第三布匿戰爭 The Third Punic War。實世界商業史上有名之戰爭也。自是以往。迦太基代表非洲之資格。遂完全喪失。

羅馬人嘗譏迦太基人。謂其重利輕義。乏至誠愛國之觀念。酷類腓尼基人。在羅馬以商戰敵國之地位。於戰勝之餘。藉此以警發其國民義或應爾然。以事實上證之。殆有不盡然者。商人重利。爲公共之天性。本無足責。至謂迦太基人因重利而輕義。則迦太基嘗有一箴言。謂『市民苟有禍害社會。卽有救濟之責任』。是言也。足爲商業道德之準繩。凡吾儕之在商業社會者。舉當欽而奉之。烏在其爲輕義也。至責迦太基人無愛國之誠。尤爲非允。迦太基爲英雄漢尼拔生長之鄉。漢尼拔於第二布匿戰爭後。慷慨自殺。以殉國。其國人朝野上下。類能同心協力。從事於內外之經營。久爲歷史家所公認。其國體原爲民主共和制。凡建國六百有餘年。內亂事從未一見。尤他國所未有。足徵迦太基國民富合羣之力。故能對外爲一致之行動。以擴張其海外之商業。雖不幸爲羅馬人所破滅。然方其將攻。見滅時。老幼猶各手劍戟。婦女皆斷髮爲弦。抑亦商戰史中之可悲可壯者已。

迦太基之國俗。尤有足令吾人借鑑者。則重商一節。是其國原無貴族。在社會上有勢力者。類爲商人及資本家。卽國家所倚任爲柱石者。亦罔非商人及資本家。故商

人所處之地位甚高。視通商貿易爲極名譽之事業。人人皆抱一乘風破浪之志。以期策偉績於遐方。其政府又特優之以保護。厚之以獎勵。益以養成其重商之美俗。發抒其殖民市府之光華。其獲以商業飛聲於世界也。夫豈偶然。推而言之。卽近世英人所爲。握世界商業之霸權者。其道亦何嘗不由於此。我國東南被海。東洋南洋兩方面。在上古期內。已莫非吾聲教之所漸。然而海外貿易。乃竟一無表見者。其癥結所在。殆不能不歸咎於習俗之賤商。假令吾國早如迦太基之重商。世界商業之霸權。吾知其必早有所屬矣。此吾之所爲想念迦太基而欽仰其國俗也。

迦太基之貨幣制度。已早發達。當時政府曾發有通行之皮幣。計在漢武發行皮幣之先。又其商人已行押款之法。例如以船舶爲押品。借款購物。於歸航後償款。是較諸漢無鹽氏之貸子錢。東西同揆。此皆中外商史之足資攷證者也。

第四章 希臘之商業

希臘國所處之地位。與我國適成反比。我國爲亞東文明之祖國。顧在上古期內。東西南朔。絕無與我商戰之隣邦。以故商業之發明。雖早。迄未能爲世界商業之代表。

希臘爲歐洲文明之祖國。然當希臘商業尙未發達之先。已有腓尼基人爲之表率。及希臘商業漸次發達之後。又得迦太基人爲之切磋。他山之石可以攻玉。凡業皆然。商業尤甚。以故希臘雖較腓尼基迦太基爲後起。卒於世界商業史中。繼亞洲非洲兩代表而爲歐洲之代表。且爲歐洲代表中之先進云。

希臘在巴爾幹半島 Balkan Peninsula 南端。域內山脈縱橫。利於割據。因得養成自由獨立之土風。且氣候溫和。風土秀美。故民智之發達最早。海岸線甚長。有無數之島嶼。羅列其間。航海極爲便利。其民族多自亞非兩洲移入。而亞洲之腓尼基非洲之埃及。開化均較希臘爲先。故希臘古代之文明。藉亞非二地人民之啓發。引誘者不少。至於商業之發展。實以腓尼基爲之先河。且駸駸然軼出於其上有。青出於藍之氣象焉。

希臘有名之古國凡二。卽斯巴達 Sparta 與雅典 Athens。是然斯巴達以軍國主義立國。商務非其所長。雅典則以實利主義立國。商務因而勃起。蓋希臘之中樞爲雅典。雅典者。亞的加 Attica 之首府。卽以都府之名爲國名。其土地不甚豐沃。所

有物產不足供雅典全部市民之用其汲汲於外國貿易也殆天實使然自雅典開市以來希臘商權幾全入雅典人之掌握與腓尼基通商爲最早故貿易振興之始產物之自非亞兩洲輸入者莫不經腓尼基之手後開殖民地於近海諸島及小亞細亞 Asia Minor 沿海地方造船及航海諸技術亦漸次進步擅有海上之實權於是海外貿易遂因國力之膨脹而日卽於繁昌茲卽當時之商業政策略陳如左

(一) 出入之制限凡非內地供給有餘之產物一律禁其輸出惟橄欖以產額甚多與小亞細亞之穀物相交易常爲出口大宗亞於橄欖者爲蜂蜜大理石銅銀及製造之精巧家具就中以蜂蜜之銷路爲特廣幾與橄欖埒其不准出口者爲無花果及其他果實羊毛瀝青等而穀類出口之禁爲尤嚴希臘商人有輸出穀類者得以運額之半充告發者之賞金希臘乏穀兼少船材故凡以穀物及船材輸入者類受政府之特別獎勵至買入額之超過所定分量者則嚴禁之以杜一人壟斷之弊

(二) 營業之干涉不許一人兼營二種商業雖營業上之細瑣事項亦必干涉之

而有所規定。苟有犯者。輕則罰鍰禁錮。重則處以死刑。其禁令之森嚴若此。疑若營業不甚自由。惟其所謂干涉者。一方取監督主義。一方取保護主義。法嚴而人不怨。因無害其商業之進行也。

希臘近海故多盜。人民多避難於內地。雅典距海凡三哩。築堅城以備不虞。希臘海軍全爲雅典所管轄。故人民尤視爲樂土。富商大賈。不期而自然輻輳。周圍都二十二哩。車馬殷闐。貨物充牣。是爲希臘全境內外通商之第一要埠。

次於雅典者爲科林斯。Corinth 科林斯在科林斯地峽。Isthmus of Corinth 東西臨海。其繁盛與雅典相伯仲。製造業且較富焉。是爲希臘全境內外通商之第二要埠。

希臘爲富於殖民地之古國。計在歐洲方面者。曰塞拉庫西。Syracuse 西西里之首府也。原爲科林斯人所開闢。後漸發達。至與迦太基相匹敵。曰他林敦。Tarentum 在西西里附近。曰比賽的穆。Byzantium 卽東羅馬 Eastern Roman Empire 都城君士坦丁堡。Constantinople 曰馬撒利亞。Massalia 卽今法國之馬賽。Marseilles